

ანსამბლ „მართვე“-ს ბ-ნ ანზორ ერქომაიშვილის სახელი მიენიჭა



გილოცავთ!

ჩვენმა საზოგადოებამ კარგად იცის, რომ ბატონ ანზორ ერქომაიშვილს და სხვა ცნობილ პიროვნებებს უკავშირდება ქართული ხალხური სიმღერის გადარჩენა-პოპულარიზაცია არა მარტო ანსამბლ „რუსთავის“ და „გორდელას“ შექმნით, არამედ ჩვენი კულტურის ამ სფეროს მიმართ მომავალ თაობაში ინტერესის გაღვიძებითაც.

დღეს, როდესაც მრავალი გუნდი და ბავშვთა ფოლკლორული ანსამბლი ფუნქციონირებს, ახალგაზრდებს უჭირთ წარმოიდგინონ, როგორი რისკის განწევა უწევდათ ამ საქმის მესვეურებს მაშინ, როდესაც „მართვეს“ პირველი თაობა გამოჩნდა ასპარეზზე, რადგან ეს იყო ეროვნული ძალების გამოღვიძების და უწყვეტი გენეტიკურ-კულტურული მემკვიდრეობის გადარჩენის ბეჭედი; ეს იყო სამეუფეო ზარის ახმიანება.

მინდა დავლოცო და ღვთის სადიდებლად და სამშობლოს სამსახურად უფლის მფარველობა ვუსურვო ამ ანსამბლის დღევანდელ ხელმძღვანელს, ბატონ მიხეილ ჯავახიშვილს, „მართვეს“ პირველი და, საერთოდ, ყველა თაობის წარმომადგენელს და მათ პედაგოგებს.

ღმერთმა აცხოვნოს და ნათელსა შინა დაანესოს უკვდავი სული დიდებული ადამიანის, ბატონ ანზორ ერქომაიშვილისა და ყველა იმ ან გარდაცვლილი პიროვნებისა,

რომელთაც თავისი ცხოვრება ჩვენი იდენტობის ერთ-ერთ უმნიშვნელოვანეს გამოხატულებას, ქართულ ხალხურ სიმღერასა და მის პოპულარიზაციას მიუძღვნეს.

ილია II

სრულიად საქართველოს
კათოლიკოს-პატრიარქი

patriarchate.ge